

31.10.1922 - Sokol

Radworska jednotka Sokoła so załoži	Gründung des Sportvereins „Einheit Sokol“
31. oktobra 1922 załožichu Jednotu Sokol w Radworju. Bě to rozsudny podawk za sokołske hibanje, přetož cyrkwinska wyšnosć njepodpěraše Sokol jeho zwjazanosće z „ błudnowěriwcom „ Janom Husom dla, ale protegowaše załoženje katolskich sportowych jednotow „ Worjoła “. Hač na Kulow, hdžež so to nachwilnje poradži, rozsudžichu však so katolscy Serbja, podpěrani wot swojich měšnikow, za jednotnu serbsku sokołsku organizaciju. W Radworju bě 25 do 30 załožerskich sobustawow, pozdžišo něhdže 50. Wučer Michał Nawka pohnuwaše hólcow po wuchodženju šule za sokołske sportowanje. Starostaj běštaj Mikławš Bjarš z Radworja, wot 1928 dwórnišćowy korčmar, a Michał Rječka swojeje wušiknosće jako braška a organizator dla. Jeju zastupjer běJurij Šenk z Bronja. Jako pokładnikaj skutkowaštaj pjekarski Pawoł Bělk a 1924 čeladnik Jurij Žur. Nazwučowar bě JanHandrik z Bronja. Přeni zapisowar bě wučer Pawoł Pjetaš, kiž 1924 „Jednotu Sokol w Chrósćicach“ załoži. Prěnje zwučowanje Radworskeje Sokołskeje jednotki bě 09.11.1922 we korčmje „Erbgericht“ - kiž je džensa hosćenc „Meja“. \\Załoženje sportoweje jednotki „Sokoła“ je spočatk organizowaneho ludoweho sporta w Radworju. Džensniša sportowa jednotka SV1922 widži so jako naslědnica a džědźićelka sokołskeho sportoweho hibanja a ma tohodla lětoličbu załoženja Sokołske jednotki w Radworju we swojim mjenje.	ccc

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=1922_sokol&rev=1663577837

Last update: **2022/09/19 08:57**

